

### III. REGNUM MORTUORUM.

Nro. 67.

---

#### *Politica Mortuorum Colloquia.*

---

Elysium-Meum.—Die Martis 26 Sept. 1809. (Neov. 8 Sept. 1809.)

---

de Urbe!

#### *Lutetiae Parisiorum.*

In ratione Institutorum suorum pro publica mentium Cultura, scientiis & artibus.

**E**lysios subibat campos Clio, accita per novarum rerum curiosos, qui metropolim orbis in ratione Institutorum publicæ Culturæ hodiernæ noscere avebant. *Conticuere omnes, tum Dea thoro sic orsa ab alto:*

Verum est: Parisini populi mores per revolutionem depravati sunt. Vitia olim eminentioris conditionis hominibus nota, infimam quoque plebem pervaserunt. Luxus, usura pravitas, licentiosus semet ditandi furor, defectusque teneritudinis animi invaluerunt. Feminae non amoris amplius, verum lasciviæ sensu præditæ videntur. Non raro vestem indutæ virilem apud *Restauratores*, in thermopolis, publicisque foris conspiciuntur — nihilominus hæc corruptio *universalis* non est. Probitas animi, & virtus ad mediæ, industriæ deditæ, Civium Classis domos se recipere, domesticæ vitæ tacita solatia eas inhabitant; ita e. c. in toto Suburbano *S. Antonii* agro, quæ publicum corpore quæstum exerceret, reperitur.



Rel scholasticæ restauratio, sacrorum re-  
 vectio ubivis viam sternunt emendandorum  
 postliminio morum. Saltim imago *moralitatis*  
 in pretio esse deprehendetur, demum morum  
 ipsum puritatis studium adhibebitur; quidquid  
 alii loquantur: summum beneficiorum Napo-  
 leonis populo Gallico præstitorum est *Concor-*  
*datum*, quo medio religionis, excellentissimæ  
 & solatio plenissimæ sensationes excitantur,  
 quia mentis libertas hierarchico despotismo  
 mutiletur, aliorumque sacrorum Cultores non  
 amplius ceu hostes Dei & humani generis tra-  
 ducentur.

Inter instituta Educationis eminent: novis ad-  
 junctis adcommodata hodie *Universitas*, species  
 quædam *Monarchiæ* litterariæ agentis in uni-  
 versum Imperium. Prytaneum, Institutum surdo  
 mutorum, Museum Coecorum, Schola Monta-  
 nistica, Institutum nationale &c.

Magnificentiam, sapientemque institutiones  
 quorumvis horum litterariorum institutorum æ-  
 mulatur *hortus botanicus* (*Jardin des plantes*) erat  
 hujus auctor *Cel. Guy de Brosse* An. 1640 quo  
 moriente sesqui circiter mille solum comple-  
 debatur plantas. *Cel. primum Buffonius* ei for-  
 mam ulteriorem dedit. Publicæ notabiles ad  
 eum locupletandum quotannis fiunt impensæ.  
 Imperatrix ipsa Botanicæ gnara, et amans est.  
 Hic hortus non solum botanicus, verum prin-  
 ceptus Institutorum Europæ est, in quibusvis hi-  
 storix naturalis partibus, cui clarissimi Gallix  
 naturæ indagatores admoti. *Cel. Desfontaines,*  
*Fussien, & Thouin* Botanicæ & Culturam pro-

fitentur planterum, quibus paret suis cum raritatibus ex omnibus orbis partibus & Climatibus hortus botanicus. *Cl. Haüy* docet Mineralogiam. *Cel. Faujas Saint Fond* Geologiam, *Foucroy* Chemicam, cui elegans laboratorum obsequitur; *Portal* Anatomiam hominis, *Cuvier* animalium, utriusque Cubile præparatorum, & Anatomis paret. *Geoffroy* historiam naturali lactantium & avium, *Lacépède* reptilium, & piscium, *la Mark* Insectis & testaceis animalibus admotus est. Eis locuples pro historia naturali Museum, & Collectio vivarum exterarum ferarum exempla ex ipsa natura suppeditat. — Numerantur prope 2000 studentes, omnis conditionis, ætatis, & diversarum nationum, quotannis conflentium, ad excipiendas prælectiones doctissimorum virorum sub tam faventibus adjunctis. —

*C. Buffonii* exuvia in hunc hortum deponendæ dicuntur. Sunt et in urbe *Mont-Bart* ferventibus revolutionis tumultibus bene custoditæ, brachio solum carent. *Cel. Faujas de Saint Fond* cerebrum Clarissimi viri possidet, more mumie coaditum, & omnes in vesica ejus repositos Calculos; quamquam hæc singularis dilectionis species sit, collectio tamen ossium hodie moris est. Ita e. o. Celebris ab *Aegypto* itinere *Denon* dentem adhuc *Voltaire* in vicem adamantis annulo insertum exhibet.

Innumeræ rerum naturalium, iconum, imaginum æri lucisarum, monstrorum & antiquitatum &c. Collectiones, conclaviaque ut *Parisiis* dici solet, privatorum in manibus

sunt. Vandalismus sub revolutione sæpe occasionem præbuit, ut pretiosissimæ Collecti-  
nes raritatesque artis privatis cederent. Ad-  
itus ad eas facilis, aliquas exigunt, sunt alii:  
quos honor attentionis solius præmio efficit.

Anno 1778 Parisiis unum solum erat  
*Conclave lectionis* (*Cabinet de lecture*) hodie  
copia est eorum, in omnibus compitis, & ur-  
bis angulis. Quivis tabernam quæstor, & un-  
guentarius tabernam suam poematis & fabu-  
lis Romanensibus exornat. Multiplicibus Com-  
modantibus lecturæ Conclavibus, in quibus  
depenis titulo pignoris 12 libris, tribusque  
titulo menstruæ mercedis, omnes Gallici Pir-  
nassi fructus acquiri possunt, eminent, quæ  
auctorem habet Gallicum olim ad republi-  
cam Grisonum Residentem *Florent Ruyor* se-  
lectu librorum. Eminentissimum vero totius  
urbis, quorum nec *Salon litteraturæ*, cujus pos-  
sessor olim *Cel. Girardin*, hodie *Cel. Saint-Jor-  
re*, comparari potest, lectionis Conclave est,  
a *Rondonneau*, in foro hastiludiorum.

In eo reperitur præter alia, perfectissima  
bibliotheca ad historiam revolutionis Galli-  
cæ; Collectio non modo majorum operum,  
sed quarumvis relationum, opinionum, affi-  
xorum, sermonum, volantium chartarum, dia-  
riorum ex tempore Coventus Notabilium  
1787 usque hodiernum diem in Gallia in ar-  
gumento revolutionis editorum, tota collectio  
jam ultra 6000 libellos, & 2000 tomos efficit.

Acque memorabilis in hoc conclavi com-  
pleta Collectio quorumvis Edictorum, decreto-

rum, litterarum patentium, ordinationum, legum, dispositionum publicarum, quæcunque sub nomine ab anno 1200 usque hodiernum diem. In hac admodum utili pro historia, Jurisprudentia, & legislatione Galliæ pluribus tomorum fasciculorumque milibus constante Collectione facilis rerum tractatio discitur; quippe duplici eadem exhibetur exemplari, pars ordine Chronologico, pars ordine rerum contexta est.

Postarum, Prosaicorum, & scriptorum cujusvis generis defectus prorsus non est Parisiis — Elenchus eorum medio superioris anni confectus censebat ultra 900 & nequaquam is erat exactus! verum quidem est: vulgarium & mediocrium maximam partem esse, nihilominus nullus Bibliopolarum Parisiensium, utut vilis fuerit, adeo miserabilis valoris libros mercabitur, quam hodie nonnulli quaestores librorum in Germania. Parisii totaque Gallia proinde nec decimam partem tantorum scriptorum miserabilium continet, quam dimidia Germania. —

Census A. 1803 institutus docuit eorum 266 pictores, Statuarios, aeri incisores, delineatores, architectosque Parisiis sedem habuisse.

Impopulatio urbis 1000 plateis constantis aestimata ad 760,000 animarum, quot annis 1500 circiter vasa tritici, 1450 vasa (Muid) vini, 100,000 boves, 400,000 agnes, 30,000 vitulos, 140,000 sues consumentis.

Hæc facies metropoleos Gallicani Imperii — Jure ut olim Roma per Antonemasiam *Urbis* principis orbis nomine insigniri potest; quantumvis *Londinum* metropolis orbis maritima nuncupari audeat.

His intervenit novum phenomenon: infernales *Congrevii incendiarias* ita dicte *Raquetas*, quas *Græco* olim igne comparare placuit. *Græci* hujus ignis, qui architectum *Callinicum* A. 678 auctorem habet, & cujus usus in oriente ad annum usque 1291 minimum viguit, hinc applicatio fieri nulla potest. Erat is fluidus, & magnis incendiariis stringis imponebatur, ob quam rationem *humidus ignis* a *Græcis* adpellatus. *Leo* Imperator sub exitum Sæc. X. *Tacticam* suam describens, in proris navium id genus incendiarios siphones applicari jubet, ad ignem in hostem evibrandum; probabile est: Sæculo XIII vixisse *Marcum Græcum*, cujus: *liber ignium ad comburendos hostes* in duobus MSS. in Bibliotheca Parisina, & in alia membrana in Monachiensi custoditur, & Parisiis 1804 græco & gallico idiomate tribus phyliris in forma quartali prodiit. *Albertus Magnus*, tum *Rogerus Baronius* græco hoc codice nisi sunt. Utrique nitrum adpellat *sal petrorum*, & *Cl. Casilio* auctore, jam 1249 in codice quodam arabico *pulveris nitrati* mentionem fieri. Quod peculiari ratione præparatum nitrum præcipua *Congrevianarum Raquetarum* pars, constitutiva sit, id quidem nullus Chemicorum tam parum inficiabitur, quam quod sedula veterum scriptorum lectione artis py-

robolaræ e. c. *Beringosopis Pirotechniæ*, aliorumque, male faustum hoc arcanum additamenti chemicorum inflammabilium materialium, absque etiam ope *Congreui* educi posset, nisi iurium humanitatis ratio id negaret.

Hæc de famigeratis incendiariis Raquetis. Alia memoratu digna res continetur in Diario Hamburgensi: Tractatui Commerciali Galliam inter & Persiam in Januario 1808 subscriptum esse.

Defixio commercialibus inter utrumque Statum relationibus ad 3 pro Centum, aliisque reciprocis favoribus memoratus Tractatus his verbis concluditur — „*Agentes gallicæ Persicæque aulae in id consenserant: ut illi Insula Bareck cedatur, ut ibi quamprimum Georgia et aliis provinciis Persicis Russi decesserint, factoratus erigatur.*”

*Dresda 31. Aug.* Legimus in ephemeridibus: tractationes pacis strenue fervere; alia ex parte, si folium vertatur, meros bellicos in omnibus provinciis adparatus — qui & apud nos obtinent.

Die 23 meridie dux Abrantinus sexaginta vinctus cum comitatu isthuc adpulit, & in ædibus Brühljanis hospitio exceptus est. Comitabatur eum honoris gratia turma Equitum cum officialibus, eodem ex sine Centuria Granatariorum pro ædibus consistebat.

Nudius tertius elegans 22da legio linealis 4000 viris constans adpulit, quæ isthuc presidium tenebit usque ulteriores ordinationes. Expectatur quoque 5. polonica linealis legio.

Nostræ neo delectæ copiæ 7000 circiter efficientes in diversis Saxonïæ stationibus exercentur, sensimque congregatur ad ulteriorem destinationem. Omnes juvenes venatores in universo regno ad comparandum provocati sunt, turmam venatorum constituri, elegantissimam futuram. Centeni jam aliquot comparuerunt. Ad vicum *Blaswitz* pone Albim castra eriguatur, in quibus pars exterarum Saxoniarum futura. Præterea valla ad defensionem instruuntur, & 50 amplius tormenta ad excipiendum hostem urbi adpropinquantem præsto futura. Rex ipse nuper cohortes Civicas metropoleos revidit. Omnes militari vestitu instruuntur, & 1000 virorum Cohortem internæ defendendæ securitatis gratia constituent. Ad avertendum quemvis sinistram casum ampla regia Collectio imaginum ad arcem transponitur.

*De bello & pace novi nihil. Incertitudo hæc continuo in statu quo versatur. Russicus minister, qui ad pacis tractationem expectatus dicitur, nondum advenit.*